



**Centraal Bureau voor de Statistiek**

Inlichtingen: (+599 9) 8392300

Adres: WTC Building, Piscaderabay z/n

E-mail: [info@cbs.cw](mailto:info@cbs.cw)

Website: [www.cbs.cw](http://www.cbs.cw)

Facebook: cbscur

# Komunikado

Willemstad, 25 yüli 2022

## **CBS ta publiká sifranan di preis pa konsumidó na Kòrsou di e lunanan di yanüari te ku mei pa e aña aki riba su wèpsait**

**Willemstad:** CBS ta informá ku e sifranan di preis pa konsumidó na Kòrsou pa e lunanan di yanüari te ku mei 2022 ta aksesibel for di awe riba su wèpsait. Tur informashon spesífiko tokante e sifranan aki por haña riba e siguiente pagina riba e wèpsait <https://www.cbs.cw/inflationprices>.

### *Desaroyo di preis luna di yanüari 2022 te ku april 2022*

E sifra índise di preis pa konsumidó (CPI) di Kòrsou na luna di yanüari te ku april 2022 a ser pa un parti imputá segun un método di kalkulá ku IMF a rekomendá. E kalkulonan adaptá di e preis pa konsumidó pa e lunanan aki ta lo siguiente: yanüari 2022 – 108,7; febrüari 2022 – 109,6; mart 2022 – 110,7, april 2022 – 111,9.

### *Desaroyo di preis luna di mei 2022 kompará ku luna di april 2022*

E sifra índise di preis pa konsumidó (CPI, “Consumer Price Index”) di Kòrsou na luna di mei 2022 a subi ku 0.7% kompará ku luna di april 2022, e la desaroyá di 111,9 na april 2022 pa 112,7 na mei 2022.

Inflashon den un sierto luna ta ser kalkulá dor di komparashon di e CPI promedio di 12 luna den e luna konserní ku e CPI promedio di 12 luna den mes luna e aña anterior. Si kompará e periodo di e último 12 luna te ku mei 2022 ku mes periodo un aña anterior, ta resultá ku preisnan na averahe a subi ku **4.8 porshento**: e CPI promedio di 12 luna a desaroyá di 103,6 na mei 2021 pa 108,5 na mei 2022.

////////////////////////////////////